











মাধবিকা ।

শ্রীবলেন্দ্রনাথ ঠাকুর

প্রণীত ।

# কলিকাতা

আদি ব্রাহ্মসমাজ যন্ত্রে

শ্রীকালিদাস চক্রবর্তী দ্বারা মুদ্রিত ও প্রকাশিত

৫৫ নং অপর চিংপুররোড।

১০ ই বৈশাখ ১৩০৩ সাল।

## সূচীপত্র

মাধবিকা	...	...	১
আশঙ্কা	...	...	২
মুঢ়তা	...	...	৩
অকলঙ্ক	...	..	৪
অধিহোত্র	...	...	৫
অন্ধের ষষ্টি	...	...	১০
ঔপমা	...	...	১১
নির্মিত	...	...	১২
শঙ্কন	...	...	১৩
মমতা	...	...	১৪
ফলবেদনা	..	...	১৫
কর্ণধার	...	...	১৯
বুথ গর্ভ	...	...	২০
পরীক্ষা	...	...	২১
সফলতা	...	...	২২
বিষামৃত	...	...	২৩
কুস্তমেলা	...	...	২৪
পরিণাম	...	...	২৫
সর্বস্বাস্ত	...	...	২৬



ভীষ্মরতি	...	...	২৭
ভিক্ষা	...	...	২৮
দোষ	...	...	২৯
মান	...	...	৩০
বিড়ম্বনা	...	...	৩১
অবসান	...	...	৩২

# . মাধবিকা ।.



## মাধবিকা

পঞ্চ ঋতু থাক্ নিয়ে যাছে খুসী য়ার,  
মধুমাস থাক্, প্রিয়ে, তোমার আমার ।  
শুধু এই যৌবনের অনন্ত উচ্ছ্বাস, . .  
অহুঁরাগরঙ্গে ভরা নিত্য নব আশ, .  
এই তন্দ্রা, এই স্বপ্ন, এই নিশিশেষ,  
এই মনোমোহকর মন্দির আবেশ,  
শুধু এই মুকুলিত আত্মকুঞ্জবন,  
গন্ধভরা দিশাহারা প্রভাতপবন,  
শুধু এই পত্রে পত্রে মধুর মর্ম্মর,  
কুঞ্জে কুঞ্জে মুখরিত সঙ্গীতনির্ব্বর,  
এই স্বচ্ছ নীল্যকাশ, কুলুকুলু নদী,  
এই বর্ণ, এই গন্ধ, গীতি নিরবধি,  
এই প্রাণ, এই প্রেম, এ পূর্ণ পুলক  
থাক্ যতক্ষণ থাকে দিনের আলোক ।

## আশঙ্কা।

তৌমারে মথিয়া, প্রিয়ে, পাই অমৃত,  
 তাই বড় ভয় হয় অধিক মম্বনে  
 পাছে মিলে হলাহল ; রেখেছ আবৃত  
 মৌন বক্ষতলমাঝে অতি সজোপনে  
 যে গভীর স্নেহ, অগাধ গাহনে তার  
 যদি মিলে তল, যদি থাকে সীমাহীন  
 বালুর্কার চর ! শুষ্ক হয় পারাবার  
 যদি মম্বনের ভরে ! যায় চিরদিন  
 যদি দিনেকের তরে ! ভয়ে ভয়ে মরি  
 তাই সহ্যে কি না সহ্যে এত স্বর্গ-সুখা !  
 আশ্রি নহি নীলকণ্ঠ, নাহিক সে ক্ষুধা  
 নিতে পারি যাহে বিষে সুধাসম করি,  
 হে সুন্দরি, তাই সদা ভরি মনে মনে  
 কি জানি গরল উঠে অমৃতমম্বনে !

## মৃত্যু ।

রমণী প্রলয়ঙ্করী বলেছে যে কেহ  
 বিষম সাহস তার নাহিক সন্দেহ,  
 বুদ্ধি কিছু কম, নহিলে সে মৃত্যুমতি  
 এক বাক্যে হারায় কি সকল সমগতি ?  
 বৈকুণ্ঠে আছেন লক্ষ্মী, কৈলাসে ভবানী,  
 ইন্দ্রাণ্যে শচীদেবী, মর্ত্যে সুনন্দানী  
 ঘরের গৃহিণী মহাদেবী ;—হে অজ্ঞান,  
 কোথা হবে ঠাই তব ? করিবে প্রয়াণ  
 কোন্ রসাতলপুরে নাহি নাগবালা  
 যেথা অনুক্ষণ দিতে তীব্র বিষ-জালা  
 শিরায় শিরায় তব ? জেনেছিলে মনে  
 প্রলয় লুকান' যদি ওই আঁখিকোণে,  
 কুৎকারে জাগালে কেন তাহা ? মর দহি'  
 তুবানলে পলে পলে রহি' রহি' রহি' ।

মাধবিকা ।

অকলঙ্ক ।

কলঙ্কে মলিন যদি হয়' থাকে কেহ,  
দেবি, তুমি নহ, নহে তব শুভ্র দেহ  
নবনীকোমল । নিত্য আছ আপনার  
গরবে গৌরবে তুমি, ওগো বসুধার  
প্রিয় পরিজন, তপ্ত গৌরকান্তি তব  
রয়েছে অম্লান শুভ্র যশে ; নব নব  
সুখরসে ভরিতেছ স্বর্ণ-প্রেমপাত্র  
নিশিদিন ধরি', অবসর তিলমাত্র  
নাহি চাহিবারে ফিরে' এই ধূলিমান  
ধরণীর পানে ; চির-উচ্ছ্বসিত প্রাণ  
সর্বাপেক্ষ ছাপিয়া উঠে তীব্র সুখভরে  
মদিরার ফেণসম, শতধারে ঝরে  
রূপরাশি নিরুপম, কাণায় কাণায়  
তহুখানি ভরি' উঠে নবীন আভায় ।

## অগ্নিহোত্র ।

উন্মেলিয়া শত শিখা দীপ্ত অম্বুরাগে  
 আজি খুঁজিতেছ কারে ? তপ্ত হৃদে আগে  
 কোন্ পূর্বস্মৃতি, কার শ্যাম স্নেহমুখ,  
 অরণ্যের কোন্ বেদগাথা ? হুঃখস্বখ  
 কোন্ অতীতের ব্যাকুলিছে চিত্ত তব  
 দিবসে নিশীথে, ওহে অরণিসম্ভব ?  
 দহিতেছ কার লাগি' অনন্ত দহনে  
 ক্ষীয়মাণ নিতি নিতি ?

পড়েছে কি মনে

কোন পুরাণ কাহিনী—সরস্বতীতীরে  
 যবে ঋষিকন্ডাগণ চারিধারে ঘিরে'  
 গুঞ্জন করিত বসি' মৃদু মৃদু স্বরে  
 দিবসের হুঃখস্বখ যত, মৌনভরে  
 শুনিত একান্তচিত্তে কথা অভিমব  
 ঋষিমুখে, লাজাজলি দিত শিরে তব  
 নান্দ্যাকুলচোখে ধীরে মন্ত্র পাঠ করি'

স্থিতমুখে শুচিমনে দেবতারে স্মরি',  
 দীপ্তি তব ঝলকিত চারু চন্দ্রানন  
 উজ্জল আভায় ; সেই স্মৃতি পুরাতন  
 উঠিছে কি জাগি' আজি অরুণবরণে  
 তপ্ত বক্ষতলে, তাই স্বসিঁছ সঘনে  
 শত শিখা মেলি' ?

অথবা পড়েছে মনে  
 কোন পরিচিতমুখে করুণনয়নে,  
 প্রতিদিন প্রাতে যার নিশ্বাস-সমীর  
 লাগি' চিত্ত তব নিত্য হইত অধীর  
 স্বর্ণস্নেহভরে, তপ্ত তাম্র শিখা তব  
 উঠিও উজ্জলি' নব রাগে, অনুভব  
 করিতে অন্তরে কি বেদনা মৌনভাষে  
 কেহ নাহি জানে, শুধু চাহিয়া আকাশে  
 বেপমান বক্ষমাঝে রহিতে নীরবে  
 যবে সর্কান্ন স্মরি' ; সেই মুখ তবে  
 করেছে চঞ্চল কি গো অচঞ্চল হিয়া ?

তারি 'লাগি' অলিতেছ স্বসিয়া স্বসিয়া  
নিশিদিন ধরি' ?

এখনো কি মনে আছে

মাহিষতী-পুরী, ছইবেলা বসি' কাছে  
হু'খানি অধরপুটে করিত বীজন  
যেথা রাজার নন্দিনী, লভিতে চেতন  
তুমি তজ্জা পরিহার' ; লেলিহ নগ্ন  
'সর্ব্ব অঙ্গ হ'তে ধীরে করিত চয়ন'  
কনক যৌবনখানি চুহনের ছলে  
বেপথু জাগায়ে তুলি' নীলাশ্বরতলে ;  
সোনার অঞ্চলখানি ভূমিতুলপরে  
পড়িত লুটিয়া ধীরে অবসাদভরে,  
তব তাপে শ্রান্তি আসি' অলক্ষ্যে কখন  
নীরবে খুলিয়া দিত নীবীর বন্ধন  
জানিবার আগে, বাধা যেথা সন্মোপনে  
পিনক যৌবনখানি মেখলাবন্ধনে ।  
সেই কথা সেই মুখ সেই স্মলোচন



অতঃপূবেদন তহু চম্পকবরণ

দহিছে কি চিতে ? গুমরি' গুমরি' তাই  
মরিতেছ তিল তিল করি', শান্তি নাই  
মনে ?

বল বহ্নি যদি পড়ে' থাকে মনে  
সেই মাতৃগর্ভবাস, প্রবালশয়নে  
যবে কাটিত জীবন সুখদুখহীন,  
রুদ্ধ তেজ হিম হয়ে' আছিল বিলীন  
আপনার মাঝে, মোন মাতৃস্নেহ হ'তে  
করিত সঞ্চয় শুধু যত্নে বহুমতে  
জীবনের তাপ ; বিস্তারিয়া শত ফণা  
'আছিল' ঘেরিয়া শত নাগের ললনা  
দিবসনিশীথ ধরি' বিনিদ্রনয়নে  
পাছে ভাগে নিজা তব কল্লোলতাড়নে  
সমুদ্র গরজে যবে শিয়রের কাছে  
শতোচ্ছ্বাসে।

বল খুলে' কি বেদনা আছে

ওই বুকে, হতাশন ! যুগে যুগে কবি

গাহে তব যশোগান, ভক্ত দেয় হবি

তপ্ত বক্ষে, স্নেহে হৃৎস্পন্দে মানবের গৃহে

চিরদিন আছ বিজড়িত শতস্নেহে

মিলনে বিরহে প্রেমে জীবনে যৌবনে

আজন্মের সর্বকারণ্যে সকল বন্ধনে ;

তবু যদি ব্যথা কোন বাজে ও হৃদয়ে,

বল বঁহি, কিসে তার হইবে বিলম্ব ।

## অন্ধের যষ্টি ।

মার্জনা করিয়ো মোরে, মন্ত্রী নাই ঘরে—  
 বুদ্ধি পড়িয়াছে একা, সদা মরি ডরে  
 কোথা ফেলিবারে পদ কোথা গিয়া পড়ি  
 আমি মূর্থ মানবক ! হে মূর্থের ছাড়ি,  
 এস স্বরা পৃষ্ঠোপরি পড় আছাড়িয়া  
 হহকার ছাড়ি' ; বুদ্ধি উঠুক ঝাড়িয়া  
 মজ্জার তন্ত্রিমা তার, কর্ণ হোক খাড়া  
 পেয়ে কর্ণধারে, অন্তরাত্মা দিক্ সাড়া  
 অন্তরে হেরিয়া তার অন্তরের ছায়া  
 স্নানিবিড়, দিকে দিকে বিস্তারিয়া মায়া  
 কলশকে পূর্ণ কর দিশি ; অনাদর  
 ঘুচুক আমার । তবে ছাড়ি' যাই ঘর  
 বিশ্বমাঝে বিশ্বতত্ত্ব করিতে প্রচার—  
 তুমি আসিয়াছ ঘরে আর ভয় কার !

## উপমা ।

একে একে ফুরাইল সকল উপমা—

বয়ান হেরিয়া লাজে মলিন চন্দ্রমা,

আঁখি লজ্জা দেয় হরিণীয়ে স্নেহভরে,

পুষ্পশর ছাড়ে ধনু ক্রবিলাসডরে,

নাসিকায় শুকশিশু, অধরে প্রবাল,

গ্রীবাদেশে হারে কষু, বাহতে মৃণাল,

অভ্রভেদী মহিমায় পয়োধরভূমি

হিমগিরি ছাড়ি' উঠে সপ্তলোক চুমি',

কেশরী মরিছে হেরি কটির তনিমা,

সুপীন নিতম্বে মজে সকল প্রথিমা,

উরুদেশে হার মানে কদলীগঠন,

দেহষষ্টি সুললিত লতার মতন ;—

ত্রিভুবন আছে শুধু, অগ্নি মনোরমা,

তোমার অঙ্গের তরে বোগাতে উপমা ।

## দুর্নিমিত্ত ।

একি হুল্লঙ্গণ, রমণী হয়েছে মৌন  
 মূনির মতন ! নাহি জানি কি অগৌণ  
 বিপদপতন ঝুলিছে শিরের পরে !  
 ঝটিকার আগে বায়ু রহে মৌনভরে  
 দেখেছি এ লোকে, কিন্তু রমণীরসনা  
 কলকাল রহে স্থির যেন পদ্মাসনা  
 তপস্বিনী—হেন দৃশ্য অভিনব বটে !  
 তাই মরি ডরে, বুদ্ধি না যোগায় ঘটে  
 যথাকালে । চিরদিন ওই মুখবাণী  
 সম্বল করিয়া মানি, আর নাহি জানি  
 কিছু ত্রিভুবনে ; তা'ও যদি বন্ধ হয়  
 কপালের গুণে অকারণে, নাহি সর  
 আর । মনোভার বাঁধা থাক্ মনোমাকে,  
 তবে মরি কোন্ কথা কোন্‌খানে বাজে !

শিঞ্জন ।

সর্ব অঙ্গে ধ্বনি তব বাজিছে, সুন্দরি,  
 কঙ্কণ মেখলা হার নুপুর গুজ্জরী  
 নানা সুরে নিশিদিন ; রতিপতি বুঝি  
 কায়া ত্যজি' তব অঙ্গে ফিরে কায়া খুঁজি'—  
 চঞ্চল অধৈর্য্যভরে তারি পঞ্চ শর  
 তব অঙ্গে অঙ্গে আজি হয়েছে মুখর  
 মধুর নিকণে । তাই মরিবারে আসে  
 পুরুষের মন তব ঘোবনের ফাঁসে  
 মুগ্ধ মৃগসম ; নুপুরশিঞ্জন শুনি'  
 ধ্যান ভাজি' উঠে' আসে মনোজয়ী মূনি  
 ধ্বনির পশ্চাতে ; ছন্দে ছন্দে প্রতি মাতে  
 বিরহীর মন নাচে মেখলার সাথে ;  
 তরুণ অরুণরাগে কঙ্কণকিঙ্কণী  
 বক্সমাঝে তালে তালে বাজে রিশিরিশি ।

## সমস্যা ।

দেবতার মতিগতি তা'ও বুঝা যায়,  
 তোমারে বুঝিয়া ওঠা সেই মহা দায়,  
 হে ভামিনি ! কিসে যে প্রসন্ন হও কবে  
 কিসে বা বিমুখ, কোন শাস্ত্র নাহি তবে  
 এ তত্ত্ব জানিতে পারি যাহে । চতুর্মুখ  
 বাথানিতে বেদ রহিলেন হয়ে' মুক  
 তব নামে আসি' ; জ্যোতিষ আসিল জানি'  
 দূরতম নক্ষত্রকাহিনী, মৌন মানি'  
 রহিল সে হৃদাকাশে নামি'—ঐবতারা  
 জাগিছ যেখানে তুমি । ভয়ে ভয়ে সারা  
 মোরা মুঢ়মতি, সে সাহস নাহি মনে  
 প্রবাল এনেছি হরি' বরুণসদনে  
 পশি' যে সাহসবশে । ও অগাধতলে  
 নামিলে ফিরিয়া আসা বহু জন্মফলে !

## কলবেদনা ।

আমারে বাঁধিয়া লহ কটিতটে তব,  
 হে সুরসুন্দরি, চারু অঙ্গে অভিনব  
 রহিব সন্নদ্ধ ওই বসনের মত  
 তনুখানি মঘতনে সঘরি' সতত  
 মোর স্বচ্ছ জলধারে ; মুহু মন্দ বায়ে  
 বিথারিয়া তন্তুজাল অঞ্চলের প্রায়  
 লুপ্তিব চঞ্চলহিয়ে কাঞ্চীপরিষ্কীর্ণ  
 ওই তনুতটমূলে, যৌবন নবীন  
 পড়িছে স্থলিয়া বেথা কাঞ্চনবরণে  
 নিবিড়নিবদ্ধ ওই নীবীর বন্ধনে  
 করিয়া লজ্জন, মুহু কনকনির্কীর্ণ  
 ধ্বনিছে ঘণ্টিকা শত বিজ্ঞান বেদনে  
 বিঁধি' বিরহীর মন ; পরশ লাগিয়া  
 উঠিবে আমারো চিত্ত আকুল হইয়া  
 নব রাগে, ইন্দ্রধনুসম দিশি দিশি  
 বিচ্ছুরিব বিশ্বজাল মম অহর্নিশি



দিবালোকে চল্লিকায় বর্ণে নব নব  
 যোন অথভরে ; শিথ গুহ্র কান্তি তর  
 স্বচ্ছ অশ্বরের তলে উঠিবে ফুটিয়া  
 শরৎ কোমুদীসম অশ্বর টুটিয়া  
 চারু রশ্মিজালে ।

বড় আশা আছে মনে  
 আমারে লইবে তুলি', অগ্নি স্নগঠনে,  
 বক্ষতলে তব । তাপে থিন্ন হবে যবে  
 পীন স্তন দুটি রাখিব আচ্ছাদি' তবে  
 সলিল-অশ্বরে, স্তনাগ্রশিখরপরে  
 শুধু দুটি বারিবিন্দু স্বচ্ছ স্নেহভরে  
 রহিবে উজলি' ; পয়োধর অন্তরালে  
 বিগলিত হারলতা লঘু বাষ্পজালে  
 মনে হবে মরীচিকা—বক্ষের স্পন্দনে  
 যেথা বহু আশা বহু ব্যথা সঙ্গোপনে  
 নিশিদিন ফুটে আর যবে ।—অগ্নি প্রিয়ে,  
 মানবপ্রেমসি, চিত্ত উঠে আকুলিয়ে

আলিঙ্গন-আশে তব, ওই বক্ষোপশি  
 চাহে লভিতে বিরাম চিরদিন ধরি'  
 তপ্ত' স্নেহতলে, কোমল পরশে' তব  
 লভি' নিত্য অম্লপম শান্তি অভিনব  
 আনন্দ-নিশ্চল।

আর নাহি লাগে ভাল  
 সারাদিন কূলে কূলে ছায়া আর আলো  
 নিয়ে মিথ্যা বিড়ম্বনা, গুরু মনোভীর  
 বহি' কলকলহল নিত্য অভিসার  
 কোন্ অজানা অকূলে। এবে হর মনে  
 চিরদিন রব পড়ি' কমলচরণে  
 তব, নুপুরগুঞ্জন শুনি' কাঙ্ক্ষি' যাবে  
 দীর্ঘ দিন স্নেহে হৃদয়ে এইমত ভাবে  
 যুগ পরে যুগ ; রহিব ঘিরিয়া তব  
 তরল যৌবনধানি—তমু অভিনব—  
 শত নাগিনীবেষ্টনে অনঙ্গের মৃত  
 লঘু স্বচ্ছ আবরণে ; খেলিব সতত

অঙ্গ হ'তে অঙ্গে তব যৌবননন্দনে ০  
 নিঃশব্দ ঠুঙ্কারে কভু বাজিয়া কঙ্কণে  
 মৃদু ; হারলগ্ন হয়ে' পড়িব খসিয়া  
 বক্ষতল হ'তে নীবীতটে, উঘারিয়া  
 হিয়া তব—হরকোপানলে মনমথ  
 ভস্মাভূততনু পড়েছিল যেই পথ  
 বাহি' রসাতলে ; কভু মেথলার মাঝে  
 হারাইয়া পথরেখা কোন দিন সাঁঝে  
 বুরুবুরু বায়ুবশে পড়িব এলায়ে  
 বিবশ আবেগে তব শিথিলিত কাষে  
 তাপজরজর ; পুলক উদকি' উঠি'  
 সর্ব অঙ্গে সর্ব বন্ধ ফেলিবেক টুটি' ।

কর্ণধার ।

মনসিজ চক্ষু মুদি' ভাবে মনে মনে  
 আমি সর্বমনোজয়ী এই ত্রিভুবনে ।  
 রতি আসি' কহে কাণে, নহে নিজ গুণে  
 প্রভু, শুধু চল বলে' মোর বুদ্ধি শুনে' ;  
 তোমার যতেক গুণ জানাই ত আছে,  
 আপন টঙ্কারে নিজে হঠে' এস পাছে  
 মোর অঞ্চলের কাছে—এমনি সাহস !  
 গর্ব কর বিশ্বজয়—তুমি কার বশ  
 তাই ভেবে দেখ মনে । কহে রতিপতি,  
 মার্জনা করিয়া মোরে, আমি মুঢ়মতি,  
 পঞ্চপুষ্পশরগর্বে উন্নত আবেগে  
 মনে নাহি ছিল, প্রিয়ে, তুমি আছ জেপে !  
 তরী যবে পালভরে ছুটে হ্রনিবার,  
 মাঝে মাঝে ভুলে যায় আছে কর্ণধার ।

## সুখা গর্ব ।

নরজাতি অশ্রুহীন অক্ষম অগতি,  
 নারীদল সর্ব অঙ্গে মায়া-অঙ্গমতী ।  
 বল, হে মন্থ, তব কারে পক্ষপাত—  
 কার প্রতি ধরতর তব শরঘাত ?  
 আপন জাতির কিছু রাখ কি খাতির,  
 অথবা তাহারে হান' বাছা বাছা তাঁর  
 নারীকুলে যৌবনহর্গে লুকাইয়া বসি' !  
 এই কি গৌরব তব, হে মহাসাহসী,  
 যে জন মরিয়া আছে নুপুরতাড়নে,  
 জর্জর নিজ্জীব বন্দী মেথলাবন্ধনে—  
 পঞ্চদ্বের বাকি নাই, পঞ্চশর তায় ?  
 যে মরেছে মৃগলোচনের মৃগসায়  
 সে মৃগবধের গর্ব তুমি কর কে হে  
 তব নামাক্তিত শর বিধি' তায় দেহে ?

## পরীক্ষা ।

একদিন রতি আসি' মদনসদনে  
 আঁখি ঠারি' কহে ধীরে সহাস্য বদনে :—  
 চুরী করি' রাখিয়াছি পুষ্পধনু তব,  
 দেখিব বাহির কর কি উপায় নব ।  
 বিনা ধনু বিনা শরে কারে কর জয়  
 এইবারে দেখা যাবে, ওহে ফুলময় ;  
 মাধবী আসিবে যবে ফুটিবে বকুল  
 গাহে কি না গাহে পিক পঞ্চমে আকুল ;  
 বাপীতটে ছায়াতলে বিরহিণী বালা  
 আসন্ন-মিলন-আশে গাঁথে কি না মালা ;  
 বর্ষপরে সমাগত মধুর মিলনে  
 কাটে কি না কাটে রাতি প্রণয়গুঞ্জে ;  
 নবান ঘোবন, ছাড়ি' সর্ব চপলতা,  
 জয়দেব পড়ে কিম্বা পড়ে নীতিকথা ।

## সফলতা ।

থাক্ তবে তব হস্তে শর আর ধনু,  
 আজ হ'তে অঙ্গে তব রহিল অতনু ।  
 বড় সাধ ছিল মনে বহুদিন ধরি'  
 দেখিব যুগয়াবেশে তোমারে, স্নন্দরি—  
 তুণীর ঝুলিছে পৃষ্ঠে, ফুলধনু হাতে,  
 ফুলবাস অঙ্গে তব, কিরীটিকা মাথে,  
 শরভয়ে ধাবমান শীকারের পিছু  
 ছুটিয়াছ বাধাবিঘ্ন নাহি মানি' কিছু,  
 নয়ন নিমেষহীন, নিরুদ্ধ নিঃশ্বাস,  
 পিছে পিছে ছুটিয়াছে সখা মধুমাস  
 লয়ে' তার পুষ্পভার, চূতশাখা করে  
 তোমার সহায় হয়ে'—লঘুপদভরে ।  
 এতদিনে সাধ বুঝি পূরিল এবার  
 তোমাতে হেরিয়া, প্রিয়ে, স্বাক্ষর্য আমার ।

## বিষামৃত ।

একদিকে বিষ আর একদিকে সুখা  
 মিটাইতে জগতের সর্ববিধ ক্ষুধা  
 ছুটি কুন্ত পূর্ণ করি' দিয়াছেন বিধি  
 নারীর হৃদয় জুড়ি' ছুটি পয়োনিধি ।  
 আদ্যুগে দেবাসুর মন্বনসমরে  
 মহামায়া হরেছিল অশুরের ডরে  
 সকল অমৃত বৃষ্টি ওই বক্ষতলে,  
 ছলিতে অশুরে শেষে ভরিয়া গরলে  
 অমুরূপ কুন্ত বিধি বসাইল আনি',—  
 দেবাসুরে ভাগ করি' লয় দুইখানি ।  
 সে অবধি নারীবক্ষ বিষামৃতে ভরি'  
 ছুটিতেছে সর্বলোকে দিবসশরীরী ।  
 কেহ বা বাসনাবিষ পান করে' যার,  
 কেহ নিথ্র উৎস হ'তে শুধু সুখা পায় ।



## কুস্তমেল।

নাহি ক সন্ন্যাস হেথা, নাহি ভস্মরাগ,  
 কূলে কূলে ভরি' উঠে শুধু অন্নরাগ ।  
 ঘাটে রাখি' শূন্য কুস্ত নামে কুতূহলে  
 ভাসাইতে পূর্ণ কুস্ত যমুনার জলে  
 গোপবধুজন যত ; দেহবন্ধ হ'তে  
 কুচকুস্ত দুটি বুঝি ভেসে যায় স্রোতে  
 কোন্ দূরদেশে কোন্ শ্রামের উদ্দেশে  
 যৌবনপীযুষভরা মুখ প্রেমাবেশে ।  
 কি না জানি উছলিবে প্রেমের তুফান  
 যমুনার স্রোত যবে বহিবে উজান,  
 চির-নারীহৃদয়ের উৎসবভরে  
 ধ্বনিবে শতেক কুস্ত পূর্ণ কলস্বরে ।  
 এই সেই কুস্তমেলা, এই সে প্রয়াগ,  
 ঢেউয়ে ঢেউয়ে উথলয় নব অন্নরাগ ।

পরিণাম ।

হে নারীর মনোভূমি, হে বালির চর,  
 প্রভাতে দেখেছি তোরে বড় মনোহর ।  
 নদীপার হয়েছি লয়ে' ভাঙ্গাতরী  
 এইখানে চিরদিন র'ব আশা করি' ।  
 সব শস্য ছড়াইলু তব বালুপরে,  
 বাধিলু বালির ঘর মহা যত্নভরে ।  
 ভাবিলু নিজ্জনে হেথা নদীকলগাম্বে  
 স্বর্ণশস্য কাটি' লব সফল অন্নাগ্নে ।  
 মধ্যাহ্নে দেখিতে পাই একি রুদ্ররূপ—  
 কঠিন বহ্নির মত অলে বালুস্তূপ !  
 তপ্ত ঝড়ে গৃহ মোর কোথা গেল উড়ে',  
 যত বীজ রোপেছি লু সব গেল পুড়ে' ।  
 আজি হেরি চারিদিকে শুধু মকরশি  
 সর্ব চিহ্ন লোপ করি' হাসে শুক হাসি ।

## সর্বস্বান্ত ।

আর কোন অস্ত্র নাই—বাঁশীটি কেবল  
 বিরহ-বিপিনে মোর সাথী ও সম্বল ।  
 কটাক্ষ আছে তব নয়নের কোণে—  
 অমোঘ সন্ধান কর ক্রধুযোজনে,  
 অধরে রয়েছে ঢাকা ত্বষিত চুসন—  
 হৃদয় হইতে করে শোণিত শোষণ,  
 বচনে করিয়া আন হৃদয়হরণ,  
 বন্দী করি' রেখে দেয় বাহুর বন্ধন,  
 রেখেছ বরণবাণ অশ্রুর উচ্ছ্বাসে,  
 অগ্নিবাণ আছে তব উপহাস-হাসে ;—  
 এত অস্ত্র আছে তব তবু কেন মোরে  
 রাখিতে চাহ গো, রাখে, বাঁশীহীন করে' ?  
 মন চুরী করেছিলে সয়েছিহু সব,  
 বাঁশী যদি চুরী কর তা' হ'লে নীরব ।

## ভীমরতি ।

ভীমরতি ধরিয়াছে বৃদ্ধ মনমথে—  
 নহিলে সে দাঁড়াত কি আসি' তব পথে ?  
 জলে নামি' কুস্তীরের সহিত বিবাদ—  
 এইবারে বৃদ্ধ বুঝি ঘটায় প্রমাদ ।  
 পাঁচখানি শরমাত্র সহায় তাহার,  
 একমাত্র ফুলধনু তা'ও মাক্কাতার ।  
 তোমার যুগল ধনু ললাটের মাঝে  
 নিমেষে শতেক শর মর্শ্বে গিয়া বাজে  
 ষারে চাহ বিধিবারে । তোমার সহিতে  
 কি সাহসে নামিল সে বিবাদ করিতে  
 অন্তিম দশায় আজি ? বৃদ্ধ যম বুঝি ,  
 এতদিনে পাইয়াছে সিধা পথ খুঁজি'  
 করিবারে বন্দী এই ফুলধনুবীরে,  
 পথ চাহি আছে তাই বৈতরণীতীরে ।

## ভিক্ষা ।

হে মন্থথ, খুলে দাও তব খেয়াতরী,  
 মিলনের পারে যাত্রী দাও পার করি' ।  
 নদীতে উঠেছে ঢেউ, আকাশেতে মেঘ,  
 সন্ধ্যার পবনে ক্রমে বাড়িতেছে বেগ ।  
 পারাগীর কড়ি চাহ—নির্লজ্জ নাবিক,  
 কত যে দিয়াছি আমি আছে তার ঠিক ?  
 মন ছিল, প্রাণ ছিল—কিবা আছে বাকি,  
 তার পরে আরো চাও—আরো দিবে ফাঁকি !  
 যৌবন সঁপিয়া দেছি চরণে তোমার,  
 সুখশান্তি কড়াক্রান্তি কিছু নাহি আর ।  
 আমার হইত যদি বিশ্বচরাচর,  
 বেচিয়া দিতাম তোরে, দুওরে দস্যবর ।  
 সর্বস্ব দিয়েছি তবু—তুলিনে সে কথা—  
 ভিক্ষারূপে মাগি আজি তব সহায়তা ।

দোষ ।

আমারি সকল দোষ, অনিন্দ্যসুন্দরি,  
 অপরাধ তোমা হ'তে পড়ে ঝরি' ঝরি'  
 শুভ্র হংসপক্ষ হ'তে জলবিন্দুপ্রায়  
 মুক্তার ধারার মত সুন্দর শোভায় ।  
 কেমনে বাঁধিয়াছিলে, বিঁধেছিলে শর,  
 কেমনে করিয়াছিলে গরলে জর্জর  
 জীবন যৌবনে মোর, সে কি আছে মনে—  
 শুধু সুধামুখখানি জাগিছে স্মরণে ।  
 ছুরিখানি দেখি নাই, দেখেছিলু হাসি,  
 চুষনের মাঝে কোথা ছিল বিষরাশি  
 সেকথা কি মূঢ় জন মনে করে' রাখে !  
 সুন্দর তোমার লীলা, মধুর বিপাকে  
 টানে অন্ধজনে । তাহে মরে যেই জন  
 তারে লাগে সর্ব দোষ—বিধির লিখন ।

## মান ।

মান কর, কর সখি, যে যাহা বলুক,  
 ওই দিকপানে কভু ফিরায়ে না মুখ ।  
 গ্রীবাটি বাঁকায়ে ধীরে মরালীর মত,  
 আঁখি দুটি রাগভরে কর' অবনত—  
 অপাঙ্গে চাহিয়া মৃদু অবহেলাভরে  
 এই দীনজন পানে ; ক্ষুরিত অধরে  
 জাগ্রত করিয়া মোর চুষন-পিপাসা  
 বঞ্চিত করিয়ে শেষে না পূরায় আশা  
 মোর লুপ্ত অধরের স্পর্শ চূর্ণ করি' ;  
 অঞ্চলের প্রান্তখানি রাখিয়ে সম্বর'  
 বক্ষতলে দুঢ়-করে । তবু রোষচ্ছলে  
 চাও যদি মোর মুখে অবশ্য তা' হ'লে  
 নিশি না হইতে শেষ শাসনের পাশ  
 আসিবে শিথিল হয়ে' মনে আছে আশ ।

## বিড়ম্বনা ।

চুম্বন গুঞ্জন আর সরস বসন্ত  
 অদ্যাবধি হয়েছে বিস্তর, হোক্ অস্ত  
 এবে এ সবের । পুরাতন পুষ্পশরে  
 বিদায় করিয়া দাও এই অবসরে,—  
 পুষ্পে তার পশিয়াছে কীট, ধনুকের  
 ছিল। গেছে ছিঁড়ে এতদিনে, শুধু এর  
 আছে মাত্র পূর্ব আক্ষালন ; এঁত দিনে  
 অতিব্যয়ী সর্বস্বাস্ত্র মৌবনের ঋণে  
 বিকায়ে গিয়েছে তার পরিপূর্ণ তূণ ;  
 মদনের মদপাত্রে তরল আশুগ  
 নিঃশেষিত এবে ; দ্বারে এসে বারম্বার  
 ফিরে যায় মধুস্বতু দৈত্য হেরি' তার ;—  
 তবু যদি তার পরে মায়া থাকে, তবে  
 রহিয়ো গোপনে তাহা, রহিয়ো নীরবে ।



## অবসান ।

হে মোর সঙ্গীত তোর পতঙ্গের প্রাণ  
 এক বসন্তেই শুধু হ'ল অবসান ।  
 একবেলা নৃত্য শুধু একবেলা গান,  
 ছড়িয়ে রঙীন পাখা কুসুমের শরান ।  
 একটুকু স্বর্ণরেণু, পুষ্পপরিমল,  
 একটুকু রবিকর, শিশিরের জল,  
 কিছুক্ষণ খেলাধুলা মুগ্ধ অভিনয়,  
 তার পরে দিনশেষ—আর বেশি নয় ।  
 রে স্বপ্নায়ু, তাহে তোর কোনো খেদ নাই,  
 যে পারে অমর হ'তে হোক না সে, ভাই,  
 বৃদ্ধ বশ, উচ্চাসনে বসি' তার পাশে  
 চিরকাল বেঁচে থাকা, মহা লাঞ্ছনা সে !  
 তার চেয়ে ঢের ভাল, ছড়াইয়া পাখা  
 খেলাশেষে কুসুমের বক্ষে মরে' থাকা ।









